

ՍՈՎԵՏԱՀԱՅ ԳՐԱԿԱՆՈՒԹՅԱՆ ՍԿՋՐՆԱՎՈՐՈՒՄԸ

ՉՈՎՀ. Գ. ՂԱՂԱՐՅԱՆ

Ե՞րբ է սկզբնավորվում սովետական հայ գրականությունը: Հոկտեմբերյան սոցիալիստական մեծ հեղափոխությունից հետո՞ 1917—1920 թթ., թե՞ 1920 թ. նոյեմբերյան հեղափոխությունից հետո, երբ Հայաստանում հաստատվում են սովետական կարգեր:

Այդ հարցին դեռևս չկա մեկին պատասխան: «Սովետահայ գրականության պատմությունը սկսվում է Հայաստանում սովետական կարգերի հաստատումով»¹,— ընդունված կամ դրեթե ընդունված այդ տեսակետը, սակայն, չի համապատասխանում պատմական ճշմարտությանը:

Սովետահայ գրականության սկզբնավորումը իրականում տեղի է ունենում Հոկտեմբերյան հեղափոխության առաջին իսկ օրերից, երբ դարերով անլուծելի հարցերը դալիս-հանդուցվում էին, լուծվում կամ սպասում լուծման, քաղաքացիական կռիվների թեժ բոցերում, երբ մահու և կենաց կռիվ էր մղվում իմպերիալիստական գիշատիչների, ներքին թշնամիների դեմ, հանուն սոցիալիստական հեղափոխության նվաճումների, երբ փոքր ժողովուրդների, հայ ժողովրդի համար արդեն դրված էին իսկական ազատության ու ազգային-սոցիալիստական վերածնության հիմքերը:

Սովետական գրականության ծնունդը նշանավորում էին ոչ միայն Մ. Գորկին, Վլ. Մայակովսկին, Դ. Բեդին, Վ. Բրյուսովը, Ալ. Բլոկը (Ռուսաստան), Պ. Տիշինան, Վլ. Սոսյուրան (Ուկրաինա), Յա. Կուպալան, Յա. Կուլասը (Բելոռուսիա) իրենց նոր երկերով, այլև Հ. Հակոբյանը, Վ. Տերյանը, Ե. Չարենցը:

«Ասելով «անցյալ»,— դրում է Ե. Չարենցը 1923-ին,— մենք այսօր պատկերացնում ենք այն ամենը, ինչ որ գտնվում է 917-ի Հոկտեմբերից այն կողմը: Պրոլետարական հեղափոխության հատու սուրը մի կարմիր խաղ քաշեց օրում ու ժամանակներում այն ահեղ թվականին...»², Մեծ բանաստեղծի այդ ձևակերպման մեջ իսկ նկատելի է մեր հարցադրման պատասխանը: Պրոլետարական հեղափոխության հատու սուրը, արդարև, «մի կարմիր խաղ քաշեց» նաև մեր անցյալի նախահոկտեմբերյան և նորագույն հետհոկտեմբերյան գրականության միջև, գրականություն, որը իր թեմատիկ-գաղափարական բովանդակությամբ, իր արվեստով բոլորովին նոր էր՝ սովետական, սովետահայ-սոցիալիստական: Մի՞թե, օրինակ, սովետական կամ սովետահայ գրականության արժեքները չեն Տերյանի, Հակոբյանի, Չարենցի 1917—1921 թվականներին ստեղծած գրական հարուստ ժառանգությունը, Թումանյանի, Իսահակյանի, Դեմիրճյանի, Զորյանի, Թոթովենցի նշանակալից երկերը՝ նույն այդ շրջանում ստեղծված:

¹ Սովետահայ գրականության պատմություն, հ. 1, Ե., 1961, էջ 9:

² Ե. Չարենց, Երկերի ժողովածու, հ. 6, Ե., 1967, էջ 80:

Հեղափոխության բախտորոշ տարիների սոցիալիստական բովանդակության մեջ հազեցած հայ գրականությունն անջատել Սովետական Ռուսաստանի գրականությունից — կլինի մոլորություն:

Մեր գրականագիտության մեջ, իհարկե, կան ճիշտ բնորոշումներ սովետահայ գրականության սկզբնավորման մասին, սակայն դրանք մեծ մասամբ վերաբերում են առանձին գրողների կամ 1917—1921 թթ. առանձին երկերի, բայց ոչ բուն սովետահայ գրականության սկզբնավորմանը, իբրև գրական նոր ու ամբողջական մի հոսանքի, իբրև սովետական գրականության:

«Սովետահայ գրականության անցած ուղին» ուսումնասիրության մեջ. օրինակ, Աս. Ասատրյանը գրում է. «1917—1920 թթ. կարճատև ժամանակամիջոցը կարևոր նշանակություն ունի սովետահայ գրականության սկզբնավորման պատմության մեջ...»³: Նա ի նկատի ունի Հակոբյանի, Տերյանի, Արազու, Կուրդինյանի, Կամարու ստեղծագործությունները: «Հակոբյանի՝ այս տարիների (1917—1920)... գրական գործունեությունը պետք է գիտել սովետահայ գրականության սկզբնավորման ու ձևավորման ընթացքի հետ օրգանապես կապված»⁴:

Մեկ այլ գրականագետ, Հ. Թամրազյանը, գնահատելով Վ. Տերյանի 1917—1920 թթ. ստեղծագործությունը, գրում է. «Նա [Տերյանը] դառնում է նոր աշխարհի ու նոր մարդու առաջին նշանավոր երգիչներից մեկը հայ պոեզիայի մեջ»⁵: «Տերյանը սովետական և սովետահայ պոեզիայի առաջին սկսողներից է»⁶, — ավելի պարզորոշ նկատում է Վ. Պարտիզունին: «Վ. Տերյանի և մասնավորապես Ե. Չարենցի այս տարիների (1917—1920) հեղափոխական պոեզիան, — գրում է Ս. Աղաբաբյանը, — նշանավորում էր սոցիալիստական հայ պոեզիայի նոր բարձրությունը»⁷: «Սովետահայ պոեզիայի առաջին նշանակալից ստեղծագործությունը, — այնուհետև գրում է նա, — որտեղ որոշակի սրությամբ արտահայտվեց հեղափոխական նոր էսլոսի կերտման պահանջը, դարձավ նրա «Ամենապոեմը» (1920—1921)»⁸:

Խոսելով Չարենցի մասին՝ ռուս ակննավոր բանաստեղծ Ն. Տիխոնովը գրում է. «Ինձ թվում է, որ սովետական գրականության, սովետական պոեզիայի առաջին հիմնադիրների մեջ է նա՝ մեծատառով գրվող այդ բանաստեղծը»⁹: «...Նա ամբողջ սովետական պոեզիայի սկզբնավորողներից է, — գրում էր Պավել Անտոկոլսկին, — և նրա նշանակությունը գուրս է գալիս իր մայրենի լեզվի ու Հայաստանի սահմաններից»¹⁰:

Այսպես ուրեմն, սովետական կամ, ինչպես ընդունված է ասել, սովետահայ գրականության սկզբնավորումը տեղի է ունենում Հոկտեմբերյան սոցիալիստական մեծ հեղափոխության մաշտերում: Այդ տեսակետը հետզհետե ստանում է լայն ճանաչում, դառնում տիրապետող, ընդունվում նաև հայ սո-

3 Աս. Ասատրյան, Գրական-քննադատական ակնարկներ, Ե., 1951, էջ 9:

4 Սովետահայ գրականության պատմություն, հ. 1, էջ 259:

5 Հայ գրականություն, երկրորդ գիրք, դասագիրք միջնակարգ դպրոցի 9-րդ դասարանի համար, Ե., 1957, էջ 266:

6 Վ. Տերյան, Երկերի ժողովածու, հ. 3, Ե., 1963, էջ 765:

7 Սովետահայ գրականության պատմություն, հ. 1, էջ 127:

8 Նույն տեղում, էջ 108:

9 Հիշողություններ Եղիշ Չարենցի մասին, Ե., 1961, էջ 27:

10 Նույն տեղում, էջ 38:

վետական թատրոնի պատմության համար¹¹։ Դարձյալ մի փաստարկում... «Հեղափոխության առաջին իսկ տարիներին,— ասված է «Կոմունիստ» ամսագրում,— այնպիսի գրականություններ, ինչպես ուկրաինականը, հայկականը, բելոռուսականը և ուրիշները, որոնք հարուստ տրագիկաներ ունեին, ռուսներին հետ միասին հարստացրին սովետական ժողովրդի հոգևոր ընդհանուր գանձարանը»¹²։

Սովետահայ գրականության սկզբնավորումը, սակայն, տեղի էր ունենում քաղաքական-գրական բուռն պայքարի շիկացած մթնոլորտում, պայքար, որը ծավալվում էր և գրական ընկերությունների միջև և նշանավոր գրողների շուրջը։

1919—20 թթ. սկզբունքային թեժ պայքար էր մղում Հայ գրողների կուկասյան ընկերությունը (կազմակերպված Թիֆլիսում, 1912-ին) և Հայաստանի գրական ընկերությունը (կազմակերպված Երևանում, 1919-ին)։ Նրանք ունեին քաղաքական տարբեր կողմնորոշում։ Առաջինը կողմնորոշվում էր դեպի Սովետական Ռուսաստանը, հայ ժողովրդի փրկությունը տեսնում միայն սոցիալիստական հեղափոխության մեջ, երկրորդը՝ Սվրոպա, ամբողջությամբ հակադրվում Սովետական Ռուսաստանին։ Առաջին գրական ընկերության ղեկավարն էր հայ ազգային մեծ բանաստեղծ Թումանյանը, երկրորդինը՝ դաշնակցության լուսավորության նախարարը։

«Հրեշավոր ժամանակից» սասանված Թումանյանը ելք էր որոնում։ Եվ այդ ելքը նա տեսնում էր բացառապես Սովետական Ռուսաստանի, սոցիալիստական հեղափոխության մեջ. «Միայն Ռուսաստանը մեզ կփրկի»,—¹³ գրում էր նա 1920 թ. նոյեմբերի 19-ին։ Մինչդեռ նորաստեղծ Հայաստանի գրական ընկերությունը իր պայքարի սլաքն ուղղում էր հենց Սովետական Ռուսաստանի դեմ։ «Քաղաքակիրթ երկրների համալսարաններին ու գիտական ընկերություններին» ուղղած նրա 1920 թ. սեպտեմբերի 15-ի կոչում ասված է. «Միայն եվրոպական հզոր պետությունների միջամտությամբ հնարավոր է... փրկել մարդկությունն ու կուլտուրան անպատիվ կորստից»¹⁴։

Գրական պայքարը ծավալվում էր նաև առանձին գրողների շուրջը՝ առանձնապես՝ Վահան Տերյանի և Նդիշ Զարենցի։ Նրանք ոչ միայն Հոկտեմբերի երգիչներ էին, այլև կոմունիստական կուսակցության անդամներ, Տերյանը՝ լենինի հավատարիմ զինակիցը, Զարենցը՝ զինվոր կարմիր բանակում։ Ոմանք գտնում էին, որ Տերյանի պոեզիան իբր կառված է սոցիալական հողից, իբր նա ստեղծագործում է «ներքին մաշող ախտից ազդված»¹⁵։ Ոմանք էլ ուղղակի քամահրանքի էին ենթարկում բանաստեղծի քաղաքական դործունեությունը. «Նախիրի երկրի» երգիչը,— գրում էր Դավիթ Անանունը,— հեռավոր հյուսիսում մտորում էր Հայրենիքի վերածնության մասին։ Միամիտ Վահան,— եզրակացնում էր նա,— որ ցանկալին ու իրագործելին նորից ու նորից շփոթում էիր իրար հետ...»¹⁶։ Տերյան—քնարերգակը իբր «մոլորվել է»,

¹¹ Հայ սովետական թատրոնի պատմություն, Ե., 1967, էջ 6։

¹² «Коммунист», 1967, № 9, էջ 11։

¹³ Հովհ. Գ. Թումանյան, Նրկերի ժողովածու, հ. 5, Ե., 1945, էջ 449։

¹⁴ «Հայաստանի կոոպերացիա», 1920, № 17. էջ 717—718։

¹⁵ «Մշակ», 1917, № 235։

¹⁶ «Հայաստանի կոոպերացիա», 1920, № 13, էջ 525։

զբաղվում է քաղաքականությամբ, խաչ է դրել նախահոկտեմբերյան իր ստեղծագործության վրա», իբր «փշուր-փշուր է եղել իր քնարը...»¹⁷:

Այդ վերաբերմունքը շարունակվեց բանաստեղծի մահից հետո ևս: Տերյանի քաղաքական հակառակորդները, սակայն, չէին մնում անպատասխան: Խորապես վիրավորված ու վրդովված՝ Ստեփան Զորյանը 1920 թ. գրում էր. «Այն բանաստեղծը, որ հայ լեզուն հասցրել է մի զարմանալի նրբության, տալով նրան արտահայտելու մոզական կարողություն, նա, որի երգերն իրենց անկեղծ, լուսեղեն զգացումներով ու հմայիչ երաժշտականությամբ դյուլթում են ամեն մի կիրթ մարդու, նա՛, որ մի ամբողջ տասնամյակ է ահա իր ազդեցությամբ իշխում է մեր բանաստեղծական աշխարհում, այդ բանաստեղծի մահը մատնվում է անուշադրության միայն նրա համար, որովհետև նա եղել է կոմունիստական կուսակցության անդամ»¹⁸:

Մի փոքր «այլ» էր վերաբերմունքը Չարենցի հանդեպ: Դաշնակցական մամուլը փորձում էր «մշակել» հեղափոխությանն ընդառաջ զնացող երիտասարդ հզոր տաղանդին, նրան շեղել հեղափոխության ճշմարիտ ճանապարհից, մղել դեպի արկածախնդրության փակուղին: «Կույր տարերքը» հոգվածում, «քննարկելով» Չարենցի «Բոլորին, բոլորին, բոլորին» երեք ռադիոպոեմները, Դավիթ Անանունը զարմանքով հարցնում էր, «թե հանուն ի՞նչ գաղափարի է արտահայտվում այդքան հուզմունքը, հանձն «կարմիր Ապագայի»¹⁹: Հոկտեմբերյան հեղափոխությունը համարելով «կույր տարերք», Չարենցին՝ «կույր տարերքի» արտահայտիչ, նա եզրակացնում է. «Ռուսական հեղափոխությունը զոհ զնաց կույր տարերքին: Նա բարձրացրեց ժողովրդական հատակի դիրարը, պղտորեց սոցիալիզմի անապական լիճը և կենդանական բնազդը հայտարարեց աշխարհաշեն գործոն...»²⁰:

Գրական «տեսաբանն», այնուհետև, Չարենցին ուղղակի առաջարկում է հրաժարվել Հոկտեմբերյան հեղափոխությունից՝ նրա մեջ տեսնելով դաշնակցական Հայաստանի քաղաքական վերածնության ոչնչացումը: «Մեզ կորստի կտանի Ռուսական տարերքը»²¹, — ասում է Դավիթ Անանունը իր մեկ այլ՝ «Մեր քաղաքական դեգերումները» հոգվածում:

Նույն կերպ էր վարվում նաև դաշնակցության «Հառաջը»: «Ամբոխները խելագարված» պոեմը համարելով բանաստեղծական «խոյանք», «բոլշևիկյան կոիվներին մի դրվագ... բանաստեղծորեն կերտած»: Գ. Նաիրյանը, սակայն, իր «Հայ գրականությունը 1919 թվին» հոգվածում գտնում է, որ իբր թե Չարենցը «հաճում է անորոշության մեջ», նրա երգը՝ բովանդակազուրկ է, «դառնում է միակերպ և բթացնում ընթերցողի ընկալական կարողությունը»²²:

Պայքարը Չարենցի և Տերյանի դեմ, ակնհերե է, պայքար էր նրանց պոեզիայի հեղափոխական պաթոսի դեմ, Հոկտեմբերյան մեծ նվաճումների դեմ, բոլշևիկյան գաղափարների հարաճուն ազդեցության դեմ:

Ուղղակի և անուղղակի հարձակումների էին ենթարկվում ոչ միայն Տերյանը, Չարենցը, այլև անտեսվում էր, բացառվում 10-ական թվականների,

17 «Բանվոր», Բաքու, 1918, № 16:

18 «Հայաստանի կոոպերացիա», 1920, № 13, էջ 513:

19 Նույն տեղում, 1920, № 15, էջ 626:

20 Նույն տեղում:

21 Նույն տեղում, № 18, էջ 766:

22 «Հառաջ», 1920, № 39:

1917—1920 թթ. հայ գրականությունը ամբողջությամբ: «...Հայ գեղարվեստական գրականությունը սկսեց հանկարծ ամայանալ»,—գրում էր Վ. Փափազյանը իր «Գրական ակնարկներում» (1908): «Եվ հիրավի,— ասում է նա,— որոնել 1904-ից հետո գեղարվեստական գրականության որևէ լուրջ արդյունք հայերի մեջ՝ կլինե՞ր ապարդյուն ջանք»²³: «Այժմ գեղարվեստական գրականություն ուսահայերի մեջ չկա,— պնդում է նա:— Մի քանի տարի է, որ նա ամայի է: Ամայի էլ կմնա...»²⁴: Փափազյանի «Գրական ակնարկներ» հոդվածաշարի հատվածներից մեկն ուղղակի խորագրված է՝ «Ռուսահայ գրականության անկումը» (1910): «Սնանկություն է բացարձակ. գրական, մտավորական սնանկություն»²⁵: 10-ական թվականների գրականության բացասման Փափազյանի այդ ոգին արտահայտություն է ստանում նաև հետագա տարիներին: «Հայ ժողովրդի գրականությունը, ինչպես և հայ կյանքը,— գրում է նա 1919-ին. —ապրեցին իրենց վտանգավոր և ծանր ճգնաժամը»²⁶:

Այդ ըստ էության և պատմականորեն բացահայտ սխալը, դժբախտաբար, մեծ տարածում է ստանում: Ստեղծվում է մի ամբողջ տեսություն այն մասին, որ իբր պատերազմի, փորձությունների, նաև հեղափոխության փոթորիկների մեջ դադարում կամ գրեթե դադարում է ստեղծագործական միտքը, որ իբր գեղարվեստը ծնվում է միայն անդորր օրերին ու խաղաղության մեջ, որ հեղափոխությունն իր հուժկու դինամիկայով գրականությունը զրկում է բազմազանությունից, գրողին՝ ինքնատիպությունից: Հեղափոխությունը չիր արագության մեջ, իր հարածուն պտույտի մեջ,— գրում է Փափազյանը 1917-ի նոյեմբերին,— ի մի է ձուլում ամեն գունազեղություն... կատաղորեն արշավող դեպքերն ու շարժումները ի մի են ձուլում կյանք բոլոր արտահայտությունները և նրանց նուրբ ու գեղեցիկ ալլաղանությունները... Այլևս ոչ ոք չի գտնում ժամանակ, տրամադրություն և նույնիսկ ցանկություն՝ մտածելու ինքնատիպ գույների մասին»²⁷:

10-ական թվականների, նաև հոկտեմբերյան տարիների մեծ գրականության բացասումը նոր մակաշերտեր էր կուտակում հետագա տարիներին ևս: «Մինչև Հոկտեմբերը հայ գրականությունը իր գոյության վերջին էպոխայում, ինչպես և բոլոր մյուս գրականությունները, ընթացել է սկզբում բարձրացող և ապա դեպի անկում գնալով բուրժուազիայի իդեոլոգիայի դրոշի տակ,— գրում էր Հարություն Սուրխաթյանը 1929 թ.:— Իսկ հայ գրականությունը,— շարունակում է նա,— բացի այդ իր գոյության վերջին տարիներում՝ շնորհիվ երկրում ստեղծված դժնդակ պայմանների—անվերջ ավերի և կոտորածի—ուղղակի դատապարտված է եղել բնական, դանդաղ մահացումի»²⁸: Նա, այնուհետև, ավելի հեռուն է գնում. «Երբ հնչեց Հոկտեմբերյան հեղափոխության որոտը,— ասում է նա,— ինչպես հայ ազգային ինտելիգենցիան ամբողջապես, այնպես էլ հարազատյին գրողները բոլորովին կորցրին իրենց գլուխը», իբր «հայ գրականությունը, որպես արվեստ, գրեթե դադարել էր գոյություն ունենալուց:

23 Վրթանես Փափազյանը գրականության մասին, Ե., 1962, էջ 100:

24 Նույն տեղում, էջ 108:

25 Նույն տեղում, էջ 109:

26 «Պատանի», գրական-գեղարվեստական ամսագիր, 1919, № 5:

27 «Համբավաբեր», 1917, № 36, էջ 103:

28 Հ. Սուրխաթյան, Հետ—Հոկտեմբերյան հայ գրականություն, Ե., 1929, էջ 47:

Գոյութիւն ունեւր միմիայն նացիոնալիստական մոտիվների ականջ խլաց-
նող թմբկահարութիւնն»²⁹։

Փափաղայանի, Սուրխաթայանի և այլոց նման դատողութիւնները սխալ ըն-
թացքը պայմանավորված էր ոչ ամենեւին թշնամութեամբ, այլ բացառապէս
պատմական երևոյթների նկատմամբ պատմական չափանիշի և ճշմարտու-
թյան բացահայտ անտեսմամբ։ Մեր դարաշրջանի առաջին քսանամյակը մի
զանգվածային հասկացութիւն չէ։ Այն բովանդակում է չափազանց հարուստ մի
պատմաշրջան, իր հասարակական-քաղաքակրթական բարդ իրադարձութիւններով
և սուր բախումներով։ Այն բովանդակում է ռուսական առաջին հեղափոխու-
թիւնը, նրան հաջորդող ռեակցիայի տարիները, անուհետև իմպերիալիստա-
կան առաջին համաշխարհային պատերազմը, նրա ընդերքից ծնված ֆետրվար-
յան լուրժուա-դեմոկրատական, ապա և Հոկտեմբերյան սոցիալիստական հե-
ղափոխութիւնը, որը նոր դարաշրջան է մարդկութեան պատմութեան մեջ։ Ու-
րեմն, տարբեր են այդ ժամանակաշրջանները և նրանց բովանդակութիւնը,
նրանց պատմական-հասարակական նշանակութիւնը, տարբեր են և նրանց հե-
տեանքները մարդկութեան պատմութեան մեջ, տարբեր՝ նրանց գեղարվեստական
ցոլացումները։ Այդ քսանամյակում իրար արագորեն հաջորդող հասարակա-
կան խոշոր շրջադարձերը, հասարակական մեծ հեղաքեկումները նշանավորում
էին դրական նոր երևոյթներ, նոր ձևեր, և դրական նոր անուններ։
Կտրուկ շրջադարձերի ժամանակ միշտ էլ փոխվում են գրական շատ
երևոյթներ, գրական շատ մեծութիւններ իրենց տեղը զիջում են գրա-
կան նոր մեծութիւններին։ Պատմական-գրական այդ օրինաչափութիւններն
են, ահա, թելադրված պատմութեան երկաթյա կամքով ու անհրաժեշտութեամբ,
որ մնացել են անհասկանալի մեր այդ գրականագետ-մեկնարանների համար։
Ու այդ պատճառով էլ նրանց «տեսութիւնները» ամենեւին չեն արտահայտում
պատմական ճշմարտութիւնը, չեն բացահայտում գրական խոշոր իրողութիւն-
ները։ Բացահայտ սխալ է խոսել գրական ճշմարտութեան, դրականութեան դանդաղ
մահացման, արվեստի անկման մասին։ Բացահայտ շփոթութեան հետեանք է
հայ պրոլետարական-հեղափոխական պոեզիան, որ ձևավորվեց 1905—
1907-ին, սովետական-սոցիալիստական մեծ բովանդակութիւն արտահայտող
հայ սովետական գրականութիւնը, որ սկզբնավորվեց 1917—1921-ին, համա-
րել «միմիայն նացիոնալիստական», իբրև ստեղծված «բուրժուազիայի իդեո-
լոգիայի դրոշի տակ»։ Պատմական ճշմարտութիւնը և գրական իրողութիւնն
այն է, որ միայն 1917—1921 թթ. ստեղծվում է, արդարև, մի պատկառելի գրա-
կանութիւն՝ հարուստ գրական տեսակներով ու ժանրերով, զաղափարական
բովանդակութեամբ ու արվեստով ամբողջովին նորարարական, որը կարող է
գալիք սերունդների հետ խոսել։ Իբրև Հոկտեմբերյան մեծ հերոսամարտի,
իբրև հայ ժողովրդի, իրոք, մարտիրոսական մաքառումների ու սխրագործու-
թիւնների գեղարվեստական տարեգրութիւն։

1917—1921 թթ.՝ հայ ժողովրդի համար բախտորոշ այդ ժամանակաշրջ-
անում, հեղափոխութեան իսկ մեծ շնչի տակ, օրգանապէս և զարմանալի ուժով
միահնչուվում-միաձուլվում էին ստեղծագործական հայ հազարամյա և աննա-
խադեպորեն նոր ծնվող սոցիալիստական գրական ավանդները։ Այդ ժամա-
նակաշրջանում սկզբնավորվող հայ սովետական գրականութեան ամենաբնորոշ

29 Նույն տեղում, էջ 48։

հատկանիշը, ուրեմն, դասական ժառանգության լավագույն ավանդների և նորարարական գրականության, օրգանական միահյուսումն է: Չարենցի ռադիկալոսիների հետ մի զարմանալի ուժով հնչում էին նաև բանաստեղծությունների «Տաղարան» շարքը, Թումանյանի քառյակներն ու լեզենդները, Իսահակյանի պոեմները, Տերյանի, Հակոբյանի հոկտեմբերյան երգերը: Մի կողմից հայկական դասական քնարերգության՝ Նարեկացի, Փուլակ, Սայաթ-Նովա, հանդես խոր զգացմունք ու սրբազան ակնածանք, մյուս կողմից՝ հենց նրանով իսկ հարստացած հեղափոխական իսկական նորարարական պոեզիայի ստեղծում: Այնքան ներդաշնակ ու միակտուր հյուսվում էին «հին» և նորը, արվեստի «հին» և նոր արտահայտչաձևերը: Կաթելի է ամենևին շտարակուսել, որ հայ դասական ժառանգության հանդեպ նման պաշտամունքը խորապես տոգորված էր պրոլետարական ինտերնացիոնալիզմի ոգով, և այն բացառապես ուղղված էր մեծապետական, վերլիկոսական և տեղական շովինիզմի դեմ, թուրքական ցեղասպանության դեմ, համաշխարհային պատերազմի հրձիգների իմպերիալիստական-նվաճողական անսանձ ձգտումների դեմ: Արևատենչ տիրակալներին մեր գրողները հակադրում էին ինքնապաշտպանության իրենց միակ զենքը՝ հայրենասիրական ջերմեռանդ երգերը, հակադրում իրենց ժողովրդի հոգևոր հազարամյա մեծ արժեքները, որը և արևավառ հոգևոր երկիր Հայաստանը: Այսպես ահա ծնվեց մեծ Չարենցի ռադիկալոսիների կողքին նաև «Ծս իմ անուշ Հայաստանի» բանաստեղծությունը:

Իմ կարոտած սրտի համար ո՛չ մի ուրիշ հեքիաթ չկա.
Նարեկացու, Փուլակի պես լուսապսակ ճակատ չկա.
Աշխարհ անցի՛ր, Արարատի նման ճերմակ գազաթ չկա.
Ինչպես անհաս փառքի փամփա՜ ես իմ Մասիս սարն եմ սիրում:

«Դա մեր հինավուրց երկրի համապարփակ գիմանկարն է,— ասում է Մարտիրոս Սարյանը, խոսելով այդ բանաստեղծության մասին:—Մեր վշտերի ու ձգտումների, պատմության դաժան արհավիրքներին դիմակայելու մեր տիտանական զորության գեղարվեստական խտացումն է»: Այդ բանաստեղծությունը, այնուհետև, եզրակացնում է մեծ արվեստագետը, հնչում է «Իբրև և՛ աղոթք, և՛ երգում...», հնչում «Իբրև ազատության հիմն»:

Այդ ժամանակաշրջանում՝ 1917—1920 թթ., սկզբնավորվող հայ սովետական դրականության մյուս առանձնահատկությունն այն է, որ իր գաղափարական ուղղվածությամբ մի կողմից հաստատում էր արդեն ստեղծված սոցիալիստական հարաբերությունները բուն Ռուսաստանում, որտեղից նա ստանում էր մարտնչելու առիթ և կորով, մյուս կողմից՝ անդուլ պայքար ծավալում սովետական կարգեր հաստատելու նաև հայրենի երկրում:

Քնական է, որ ազգային-սոցիալիստական վերածնության համար մղվող գաղափարական պայքարում, որի ակունքը Հոկտեմբերյան մեծ հեղափոխությունն էր, չէր կարող անհետևանք մնալ ինչպես հայ հասարակական-քաղաքական կյանքում, այնպես էլ գեղարվեստական գրականության համար: Ահա ինչու պատմական իրողությունը և ճշմարտությունը անհրաժեշտորեն թելադրում են, որպեսզի սովետահայ գեղարվեստական գրականության սկզբնավոր-

բուժը դիտել ոչ թե Հայաստանում սովետական կարգեր հաստատվելուց հետո, այլ Հոկտեմբերյան մեծ հեղափոխության հերոսամարտերում, երբ վճռվում էր նաև հայ ժողովրդի բախտը:

Այդ է պատմական իրողությունը և պատմական ճշմարտությունը:

СТАНОВЛЕНИЕ СОВЕТСКОЙ АРМЯНСКОЙ ЛИТЕРАТУРЫ

О. Г. КАЗАРЯН

Резюме

Когда зарождалась советская армянская литература? После Великой Октябрьской социалистической революции, в 1917—20 гг., или после ноябрьской революции 1920 г., когда в Армении была установлена советская власть?

На основании исследования богатого фактического материала выясняется та историко-литературная реальность и истина, что становление советской армянской литературы происходило уже в период героических боев Великой Октябрьской революции, когда решалась также судьба и армянского народа, а не после установления Советской власти в Армении.

Своеобразие советской армянской литературы, зародившейся в острой политической и литературной борьбе, заключается в том, что она, с одной стороны, утверждала и защищала великие социалистические завоевания, с другой—вела активную борьбу за утверждение Советской власти в самой Армении, связывая ее единственное спасение и путь национально-социалистического возрождения лишь с Советской Россией.